

403358 kat. komp.

III 1844/1845

map 403358
m

INDEX SCHOLARUM
IN
UNIVERSITATE STUDIORUM
JAGELLONICA

INDE

A DIE 1 OCTOBRE ANNI MDCCCXLIV

USQUE

AD MEDIUM MENSEM JULIUM ANNI MDCCCXLV

HABENDARUM.



1844/45

CRACOVIAE

TYPIS UNIVERSITATIS JAGELLONICAE.

778 577

1844/1845 III

INDEX SCHOLARUM

UNIVERSITATE STUDIORUM

JAGIELLOŃSKA



Za pozwoleniem Cenzury Rządowej.

403358

II

1844/1845

Biblioteka Jagiellońska



1002470135

Bibl. Jagiell.
1978 G KZ 570 / 75

LEO LAURYSIEWICZ

UNIVERSITATIS STUDIORUM JAGELLON. CRACOVIENTIS

RECTOR

CUM

SENATU ACADEMICO

CIVIBUS LITERARUM STUDIO SIS S.

Inter theologos, qui sub finem seculi XVI in Polonia floruerunt, non mediocris fama fuit Valentini Kuczborski. De cujus vita scriptisque quum rerum nostrarum auctores admodum pauca protulerint neque ea omnino vera; nos igitur, quae e monumentis bibliothecae nostrae eruere potuimus ad cognoscendam Viri tam nobilis historiam collatura, Vobiscum communicare operae pretium ducimus.

Valentinus, de quo agimus, Kuczborski anno 1525 patre Zbigneo (Plocensis dioeceseos incola), prognatus usque ad annum aetatis vicesimum domestica institutione ad studia altiora conformabatur, liberalibusque praeceptis imbutus a. 1545 Rectore Joanne Sanocensi numero civium Universitatis Jagellonicae adscriptus est ⁽¹⁾. Quam diu studiis academicis vacaverit et num aliquem dignitatis academicae adeptus sit gradum, hoc indicare non quimus, quum liber promotionum ab a. 1542 ad 1560 in actis bibliothecae desideretur. Romam certe migrasse Cracovia Starovolscius auctor est, qui eum in opere, quod *Ενατοράς*

(1) Metric. studios. pars secunda.

inscripsit, in collegio romano Francisco Ribera Hispano philosophiam profitenti operam navasse tradit. Ingenium amabile Kuczborscii, suaves mores et variam eruditionem miris laudibus effert idem Starovolscius; ob quas virtutes clarissimis illa aetate viris, et in his Rescio, Liliae, Cromero et Tretero carus fuit et familiaris; a Cardinali vero Hosio, quem unum e quinque legatis concilio tridentino praefuisse constat, tanti habitus, ut eum sibi laborum socium et administrum adsciverit Secretarii in concilio munus deferens. Neque igitur mirum, brevi temporis spatio ad amplissimos honores Kuczborscium pervenisse. Ex inscriptione sepulchrali certe patet, Archidiaconum Pomeraniae, Cracoviensem et Varmiensem Canonicum fuisse, tandemque ad Regii Secretarii munus evectum esse. Neque tamen diu iis honoribus gavisus est, in medio aetatis flore, utpote vixdum expleto 47 anno, pestilentiae contagio absumentus. In ecclesia cathedrali cracoviensi Dobrociesciano sacello sepultus est, ut patet ex epitaphio; in quo tamen per errorem annus vitae supremus MDLXXIII pro MDLXXII positus est ⁽²⁾.

Kuczborscium inter oratores sacros non vulgarem obtinuisse locum docet Starovolscius; quo magis dolendum est, ex orationibus ejus ne unam quidem ad nos pervenisse.

Auctoritate et mandatu Cardinalis Hosii edidit lingua vernacula doctrinam fidei et pietatis christianae secundum decreta S. Tridentini Concilii (Crac. 1568 fol. apud Scharfenb.). Quod opus plane diversum est ab illo libro similis argumenti, quem sive a se ipso, sive ab aliquo domesticorum suo mandatu concinnatum vulgavit Stanisl. Karnkowski Archiep. Gnesn. (Calisii 1603 4to ap. Wolrabum ⁽³⁾). Quod

⁽²⁾ Anno 1572 decessisse Kuczborscium testatur Glickius in ephemeridibus Leovicii et Chotelski in nota ad manuscriptum Kuczborscianum de lamentationibus Jeremiae.

⁽³⁾ Bentkovius, qui haec opera primus confudit (hist. lit. II. 541), frustra provocat ad Niesieckium (Kor. polsk. II. 737). Eum secuti sunt Ign. Chodyncki (Dictionar. doct.

et utriusque libri dissimilis forma demonstrat inscriptionumque ipsarum discrepantia, et ea res vel maxime evincit, quod Karnkovii Archiepiscopi auctoritate prodire non potuit opus anno 1568, qui ad eam dignitatem anno demum 1582 pervenisset. Quemadmodum vero liber Kuczborscianus a Karnkoviano differt, ita Kuczborscius ipse non confundendus cum quodam Valentino de Kuczbor Canonico regulari et vitae solitariae sectatore († 1624), quem Aloisius Osiński (in Adnot. ad vitam P. Skargae) libri huius auctorem fingit.

Tria praeterea opera manu scripta in bibliotheca Jagellonica asservantur Kuczborscii, duo lingua vernacula concinnata, unum latina. Illorum alterum continet expositionem in lamentationes Jeremiae praeceptis admodum salutaribus instructum (Catal. manuscript. AA. VIII. 4), quod Adalbertus Chotelski Praebendarius S. Crucis Eccl. Cathedr. descripsit; alterum monita adversus confoederationem complectitur ad Regem Augustum. (ibid). Et expositio quidem e codice Cracoviensi anno 1843 Posnaniae typis vulgata pro merito ab editoribus laudatur, tum ob dicendi vim et copiam, tum ob linguae simplicitatem et elegantiam, tum denique ob miram in rebus tractandis subtilitatem et curam; ut jure operis ejus auctor optimis prosae orationis scriptoribus, qui seculo XVI in Polonia floruerunt (Skargae, Gornicio, Kochanovio), non aequiparetur tantum, sed etiam praeferatur (⁴).

Latinum opus inscriptum: „Concilium Tridentinum sub Pio Papa quarto a. MDLXVII celebratum“ fol. 252 pagg., historiam ejus concilii complectitur, non ideo tantum permagni aestimandam, quod ipsius Kuczborscii manu est conscripta, quem Hosii Cardinalis Secretarium

Polon. 1386) et recentes editores Kuczborsciani operis de lamentationibus Jeremiae; de quo paulo inferius loquemur.

(⁴) Kuczborscius in expositione sua optima fide indicat sacrorum librorum locos, quibus ejus argumenta nituntur. Hos ab editoribus cum magno operis detrimento omissos nemo est, quin doleat.

in eo concilio fuisse supra indicavimus; sed multo magis eo, quod plura continet, quam quae in vulgus emanaverunt, ad cognoscendam accuratius rerum tam magni momenti historiam collatura, si ab aliquo earum rerum studioso examinentur et excutiantur. Quod quidem abunde probatur iis verbis, quae Rescius in titulo libri adscripsit: „Descriptum manu D. Valentini Kuczborskij, Secretarii Cardinalis Hosii et in eodem concilio Legati. *Multa habentur particularia, quae non extant impressa.* Stan. Rescius ejusdem Secretarii in hoc ipso officio successor.“

En igitur, Adolescentes Ornatissimi, novum pietatis, doctrinae atque industriae exemplum; quas cunctas virtutes Vobis imitandas aemulandasque proponimus, si, quod sequimini, assequi cupitis: nam quemadmodum sine magna industria neminem unquam doctum evasisse constat, ita sine pietate eximia vel maximam doctrinam vix cuiquam profuisse rerum humanarum monumenta testantur. Hoc igitur animis vestris semper infixum tenentes salvete atque valete.

ORDO THEOLOGORUM.

IGNATIUS PENKA

S. TH. D. P. O. P. FACULTATIS THEOLOGICAE H. T. DECANUS.

Institutiones Dogmaticas auditoribus anni secundi diebus Lunae, Martis, Mercurii, Jovis et Veneris ab hora 11—12, duce Klüpfel; Ethicas vero auditoribus anni tertii, diebus Lunae, Martis, Mercurii et Jovis ab hora 10—11, duce Stapf, profitebitur.

LEO LAURYSIEWICZ

S. TH. D. P. O. P.

Auditoribus anni tertii Theologiam Pastoralem, Catechetica, Didacticam, Eloquentiam sacram, simulque artem naturaliter mutos surdosque tractandi et instituendi sequenti ordine tradet: Semestri hyemali diebus Lunae et Martis ab hora 9—10 Theologiam Pastoralem, a 10—11 Catechetica; Diebus Veneris et Saturni ab hora 10—11 Theologiam Pastoralem, ab 11—12 Catechetica, nec non ab hora postmeridiana 2—3 Theologiam Pastoralem duce Povondra; Semestri aestivo, iisdem horis et diebus, Eloquentiam Sacram duce Skidełł, Didacticam duce Veincopf, atque artem mutos surdosque tractandi duce Czech.

CAROLUS TELIGA

S. TH. D. P. O. P.

Historiam Ecclesiasticam et Patristicam auditoribus anni primi in utroque semestri, diebus Lunae, Mercurii et Veneris ab hora 10—12; diebus vero Martis, Jovis et Saturni ab hora 11—12 explanabit.

FELIX SOSNOWSKI

S. TH. D. P. P. O.

Archaeologiam et Hermeneuticam auditoribus anni primi, semestri hyemali, diebus Lunae, Veneris et Saturni ab hora 8—9 duce Ackermann et Alber; Linguam Hebraicam et Syro-haldaicam, diebus Martis et Mercurii ab hora 9—10 per utrumque semestre, duce Jahn et Oberleitner; semestri aestivo Exegesim SS. Librorum Veteris Foederis, diebus Lunae, Veneris et Saturni ab hora 8—9, duce Calmet; Introductionem in libros Veteris et Novi Foederis, auditoribus anni secundi, semestri hyemali diebus Martis et Mercurii ab hora 8—9, die vero Saturni ab 9—10, duce Ackermann et Alber, semestri aestivo iisdem diebus et horis Exegesim Novi Foederis, nec non semestri hyemali die Lunae ab hora 9—10, Linguam Arabicam, et semestri aestivo, eadem hora et die Exegesim sublimiorem docebit.

Auditores anni primi praelectionibus Paedagogiae, anni vero secundi praelectionibus Juris Canonici interesse tenentur, secus ascensu carebunt.

ORDO JURISCONSULTORUM.**FERDINANDUS KOJSIEWICZ**

J. U. D. P. P. O. FACULTATIS JURIDICAE H. T. DECANUS.

Oeconomiam politicam, et jus naturae privatum, publicum et gentium, auditoribus anni primi per utrumque semestre diebus Lunae, Mercurii, Jovis et Veneris ab h. 8—9, et diebus Martis, Jovis et Saturni ab h. 9—10, duce Zeiller, Martini, Say et Skarbek; auditoribus vero anni secundi per utrumque semestre diebus Martis et Saturni ab h. 10—11 Politiam et notitiam

status rerum publicarum, juncta redditus publicos tractandi arte, duce Lotz, Rau et Schnabel, tradet.

ADAMUS KRZYŻANOWSKI

J. U. D. P. P. O.

Jus civile mercantile et processum extrajudicalem auditoribus anni tertii per utrumque semestre diebus Lunae, Martis, Mercurii, Jovis, Veneris et Saturni ab hora 8—9, et diebus Lunae, Mercurii et Saturni ab hora 12—1, duce Delvincourt et Locrée praeleget.

FELIX SŁOTWIŃSKI

PHIL. ET J. U. D. P. P. O.

Historiam Juris Romani et Institutiones auditoribus anni primi per utrumque semestre diebus Martis et Saturni ab h. 8—9, duce Bacchio et Heineccio, — Jus ecclesiasticum auditoribus anni 2di per utrumque semestre diebus Lunae, Veneris et Saturni ab h. 9—10 secundum suum opus, cui titulus: *Institutiones juris ecclesiastici* typis editum; Pandectas auditoribus anni 2di per utrumque semestre diebus Lunae, ab h. 8—9, diebus vero Martis, Mercurii et Jovis ab h. 9—10, duce Westenbergio e propriis schedis interpretabitur.

ANTONIUS MATAKIEWICZ

J. U. D. P. P. O.

Leges fundamentales civitatis auditoribus anni primi semestri hyemali diebus Lunae, Mercurii et Veneris ab hora 9—10, juxta vigentia hac in re statuta ac rescripta, semestri vero aestivo jus criminale tam theoreticum, quam positivum austriacum

et polonum iisdem horis exponet. — Auditoribus autem anni tertii processum civilem judiciale per utrumque semestre diebus Martis et Jovis ab hora 9—10, et diebus Lunae, Mercurii, Veneris et Saturni ab hora 10—11 explicabit, juxta codices obligantes et eorum commentatores.

ORDO MEDICORUM.

FRIDERICUS SKOBEL

M. ET CH. D. P. P. O. FACULTATIS MEDICAE H. T. DECANUS.

Hodegeticen medicam duce Friedlaendero auditoribus anni primi, diebus Lunae, Martis, Mercurii, Jovis et Veneris semestri hyemali ab hora 3—4, tradet. Qua finita iisdem horis auditoribus anni tertii Pathologiam generalem praeunte Starkio per utrumque semestre exponet.

Pharmacodinamiken una cum arte formulas medicas concinnandi e propriis schedis, Therapiam generalem duce Conrado, et Diaeteticen duce Wildbergio, per utrumque semestre auditoribus anni 3tii diebus Lunae, Martis, Mercurii, Jovis et Veneris ab hora 8—9 explanabit.

JOSEPHUS BRODOWICZ

M. D. P. P. O. INSTITUTI MEDICO-CLINICI DIRECTOR.

Pathologiam et Therapiam specialem e propriis scriptis duce Hildebrand et Reimann, diebus Lunae, Martis, Mercurii, Jovis et Veneris, ab hora 9—10; Praxin medicam iisdem diebus ab h. 10—11, docebit.

FLORIANUS SAWICZEWSKI

M. D. P. P. O.

Pharmaciam diebus Lunae, Martis, Mercurii, Jovis et Veneris, ab hora 7—8, duce Geiger; Chemiam generalem, nec non practico-forensem, duce Berzelio, Dumas et Hünefeld, diebus Lunae, Martis, Mercurii, Jovis et Veneris ab hora 8—9, per utrumque semestre auditoribus anni primi et secundi nec non chirurgis inferioris ordinis exponet.

LUDOVICUS BIERKOWSKI

PHIL. M. ET CH. D. P. P. O. INSTITUTI CHIRURGICO-CLINICI DIRECTOR.

Chirurgiam theoreticam generalem et specialem e propriis scriptis duce Chelio per utrumque semestre auditoribus anni tertii diebus Lunae, Mercurii et Veneris ab h. 11—12; Chirurgiam practicam auditoribus anni quarti per utrumque semestre diebus Martis, Jovis et Saturni iisdem horis; Praxin chirurgicam per utrumque semestre diebus Lunae, Martis, Mercurii, Jovis et Veneris ab h. 12—1 docebit.

ANTONIUS KOZUBOWSKI

M. ET CH. D. P. P. O.

Anatomiam, duce Bock, auditores anni 1mi per utrumque semestre diebus Lunae, Martis, Mercurii, Jovis et Veneris ab h. 10—11, Physiologiam, duce Müller, auditores anni 2di per utrumque semestre diebus Lunae, Martis, Mercurii, Jovis et Veneris ab hora 2—3 docebit. Exercitationes anatomico-practicae a mense Octobri ad Aprilem diebus Lunae, Martis, Mercurii, Jovis et Veneris ab hora 9—10, et 2—3, auxiliante Adjuncto a Candidatis instituentur.

JOSEPHUS MAJER

M. ET CH. D. P. P. O.

Elementa Psychologiae et Logices, Physiologiam et Pathologiam generalem, **elementa Physices, Therapiam generalem et Pharmacodynamicen, Pathologiam et Therapiam specialem, Chirurgis inferioris ordinis** explicabit in utroque semestri diebus **Lunae, Martis, Mercurii, Jovis et Veneris** ab h. 8—9 et 3—4.

FRIDERICUS HECHEL

M. ET CH. D. P. P. O.

Medicinam forensem et Zoagriam praeceuntibus Henke, Bernt et Orfila hyemali semestrio diebus **Lunae, Martis, Mercurii, Jovis et Veneris** hora 8—9;
Politiam medicam ducibus J. P. Frank, Bernt et Nicolai, aestivo semestrio iisdem diebus et horis;
Historiam Medicinae et Chirurgiae e propriis scriptis ducibus Spengel et Hecker utroque semestrio iisdem diebus hora 2—3 pomerid. exponet.

JOSEPHUS KWAŚNIEWSKI

M. ET CH. D. P. P. O.

Theoriam artis obstetriciae auditoribus anni tertii, nec non feminis artem obstetr. discentibus semestri hyemali, ducibus Froiep et Carus, diebus **Lunae, Martis, Mercurii et Jovis** ab h. 9—10, doctrinam de morbis feminarum duce Joerg auditoribus anni quinti semestri hyemali diebus **Martis et Jovis** ab h. 3—4, iisdem vero horis semestri aestivo de morbis infantum ducibus Henke et Wendt exponet. — **Praxin artis obstetriciae**, auxiliante Adjuncto, auditores anni quinti nec non feminas arti obstetr. va-

cantes docebit per utrumque semestre diebus Lunae, Mercurii
Jovis et Saturni ab hora 7—8.

IGNATIUS CZERWIAKOWSKI

M. D. P. P. O. HORTI BOTANICI DIRECTOR.

Historiam naturalem auditoribus anni 2di Philosophiae
per utrumque semestre diebus Lunae, Martis, Mercurii, Ve-
neris et Saturni ab h. 10—11;

Mineralogiam et Zoologiam auditoribus anni primi Medicinae seme-
stri hyemali diebus Lunae, Martis, Mercurii, Jovis et Veneris
ab hora 11—12, duce Berzelio, Leonhardo et Oken; seme-
stri aestivo iisdem auditoribus Botanicam generalem et spe-
cialem duce Richard et Winkler diebus Lunae, Martis, Mer-
curii, Jovis et Veneris ab hora 6—7, explanabit.

LAURENTIUS DOMAŃSKI

M. ET CH. D.

Medicinam veterinariam theoreticam et practicam quotidie per duas
horas, ducibus Gurtl, Hayne et Schwab docebit.

ORDO PHILOSOPHORUM.

LUDOVICUS STEPHANUS KUCZYŃSKI

PHIL. D. P. P. O. FACULTATIS PHILOSOPHICAE H. T. DECANUS.

Doctrinam physices auditoribus anni 2di per utrumque semestre
diebus Lunae, Mercurii et Saturni ab h. 9—10; praeterea
quotidie semestri hiberno h. 2—3 pom., semestri vero aestivo
h. 7—8 matut. exponet.

JOSEPHUS JANKOWSKI

PHIL. ET J. U. D. P. P. O.

Psychologiam et Logicam auditoribus anni 1mi semest. hyem. diebus
Lunae, Mercurii, Veneris et Saturni ab h. 8—9,
Ethicam auditoribus anni 2di per utrumque semestre diebus **Martis**
et Jovis ab hora 8—9, die vero **Veneris** 9—10,
Historiam philosophiae auditoribus anni 2di per utrumque semestre
 diebus **Martis et Jovis** ab hora 9—10 tradet.

MAXIMILIANUS WEISSE

PHIL. ET J. U. D. P. P. O. OBSERVAT. ASTRON. DIRECTOR.

Mathesim sublimiorem anni 2di diebus **Martis, Jovis et Saturni**,
 ab hora 10—11, duce **Burg, Ettingshausen et Poisson** tradet.
Astronomiam per utrumque semestre diebus **Martis, Jovis et Saturni**
 ab hora 11—12, duce **Santini et Littrow** docebit.

JOANNES CAJETANUS TROJAŃSKI

PHIL. D. P. P. O.

Octies per hebdomadem tradet literas latinas et polonicas: auditoribus
 anni secundi diebus **Lunae, Mercurii, Veneris et Saturni**
 hora matut. 8—9; auditoribus anni primi iisdem diebus semestri
 hiberno hora 9—10, semestri aestivo hora 7—8. Et polonicas
 quidem literas exponet e suis schedis; historiam liter. latin.
 ducibus **Matthiae Passow et Bähr**; antiquitates **Romanorum**
 ratione ac via a **Creuzero** monstrata.
 Idem aestivo tempore binis per hebdomadem horis postea designan-
 dis praecepta styli cultioris extra ordinem exponet.

MICHAËL WISZNIEWSKI

PHIL. D. P. P. O.

Historiam universalem auditoribus anni 1mi diebus Jovis, Veneris et Saturni ab h. 11—12, auditoribus vero anni 2di diebus Lunae, Martis et Mercurii ab h. 11—12; **Historiam literariam universalem** duce Wachler, auditoribus quibuscunque per utrumque semestre diebus Martis et Jovis ab h. 3—4 tradet.

JOSEPHUS MUCZKOWSKI

PHIL. D. BIBLIOGRAPHIAE P. P. O. ET BIBLIOTHECARIUS.

Bibliographiam per utrumque semestre diebus Lunae, Mercurii et Veneris hora 3—4 profitebitur.


JOANNES CANTIUS STECZKOWSKI

PHIL. D. MATH. ELEM. P. P. O.

Tradet Arithmeticam, Algebram, Geometriam, Stereometriam, Trigonometriam et Sectiones conicas, semetri hiberno diebus Lunae, Mercurii, Veneris et Saturni h. 10—11, diebus vero Martis et Jovis hora 9—11 et insuper die Lunae hora 3—4 pom.; semetri autem aestivo diebus Lunae, Mercurii et Veneris h. 9—11, diebus vero Martis, Jovis et Saturni h. 9—10.

Professores supplentes docebunt.

Doctrinam religionis auditoribus anni primi per utrumque semestre diebus Martis et Jovis h. 8—9; auditoribus vero anni secundi die Martis h. 3—4 die Jovis h. 10—11, duce Frint;
Paedagogiam per utrumque semestre diebus Veneris et Saturni ab h. 4—5, duce Milde;
Linguam Graecam per utrumque semestre diebus Lunae et Mercurii ab h. 4—5.



Adjuncti Professorum Facultatis medicae et philosophicae

Joannes Cantius Rzesiński Ph. et J. U. D. Adjunctus Bibliothecarii.
 Isidorus Ducezyński Ph. et J. U. D. Adj. Directoris Observatorii Astro-
 nomici. Hic tradet Math. sublim. anni 1mi diebus Lunae, Mer-
 curii et Veneris per utrumque semestre ab h. 11—12, ducibus
 Burg et Ettingshausen.

Nikolaus Lissowski Adj. Directoris instituti medico-clinici. v. a.

Josephus Jaszczurowski M. D. Adj. Directoris instit. chirurgico-clinici.

Franciscus Bulikowski M. D. Adj. Professoris artis obstetriciae.

Joannes Sadkowski Adj. Prof. Anatomiae.

Josephus Riedmüller Adj. Professoris historiae naturalis. v. a.

Teophilus Wojciechowski Mag. Pharm. Adj. Prof. Chem. et Pharmac.

Ignatius Janicki Adj. Prof. Physices. v. a.

Linguam Germanicam Augustus Otremba per utrumque semestre
 quotidie h. 5—6 pomer.

Linguam Gallicam Franciscus Aubertin hora 6—7.

Linguam Rossicam Hieronymus Mecherzyński hora 2—3, docebunt.

Lectorium in bibliotheca publica Universitatis semestri hyemali quo-
 tidie, exceptis diebus festis, ab h. 9—1; semestri vero aestivo
 ab hora 9—12 et 3—6; — Observatorium Astronomicum
 horis 3—6, diebus Jovis et Solis; — Museum Chemicum die-
 bus Veneris ab hora 9—12; — Museum Physicum die Satur-
 ni ab hora 9—12; — Museum Zoologicum et Mineralogicum
 die Saturni ab h. 1—4 tempore hyemali, aestivo vero ab h.
 3—6; — Hortus Botanicus quotidie, patebunt. Hospitibus vero
 extraneis, qui Musea, Bibliothecam et Observatorium invisere
 cupiunt, nulla hora praefinita est, dummodo tempus praelectio-
 nibus sacrum condonare velint.

